

作饒益故由如是等覺義勝故名爲佛陀不
名菩薩復次薩埵是勇猛者義未得阿耨多
羅三藐三菩提時恒於菩提精進勇猛求欲
速證是故名爲菩提薩埵既得阿耨多羅三
藐三菩提已便於菩提勇猛心息惟覺義勝
故名佛陀以能成就最勝覺故

士二未

說一切有部發智大毗婆沙論卷第一百七十六 心六
唐捐下音練若下汝於泥去反遽其去反燒燐字一
陂潢上音碑枯涸下音鵠劇苦上音奇躰下音施一
搏下音種植上音之用反餌而至溫達上音一
捕食上音脚跌下音陶師上音田畦下音一
躡躇上直流反灌漬下在智除反一

阿毗達磨大毗婆沙論卷第一百七十七 心七

晉太阿羅漢等造 三藏法師玄奘奉 詔譯

定蘊第七中不還納息第四之四

問相異熟業以何爲自性爲身業爲語業爲
意業耶答三業爲自性然意業增上有說惟
意業爲自性非身語業所以者何此業猛烈

葉刊

身語業鈍故問相異熟業爲在意地爲五識
身耶答在意地非五識身所以者何此業有
分別要觀察已行五識無分別隨境界力起
故問相異熟業爲加行得爲離染得爲生得
耶答惟加行得非離染得非生得所以者何
此業必在三無數劫修諸波羅密多圓滿身
中加行功用作意後而得故有說此業加行
得亦生得但非離染得問相異熟業爲聞所
成思所成修所成耶答惟思所成非聞非修
所以者何此業勝故非聞所成欲界繫故非
修所成有說此業通聞思所成但非修所成
問相異熟業何處起耶答在欲界非餘界在

人趣非餘趣在瞻部洲非餘洲依何身起者
依男身起非女身等於何時起者佛出世時
非無佛世緣何境起者現前緣佛起勝思願
不緣餘境問三十二大丈夫相爲一思所引
爲多思耶若爾何失若一思所引者云何少
業能引多果施設設論說復云何通如說如是

類業能惑足下平滿善住相乃至如是類業
能感頂上烏瑟膩沙相若多思所引者云何
一衆同分下分分別引耶有說一思所引問
云何少業能感多果答先以一思牽引後以
多思圓滿是故無過譬如畫師先以一色作
模後填衆彩問施設設論說復云何通答彼論
說圓滿業不說牽引業故無過然三十二大
丈夫相是衆同分圓滿業果非衆同分牽引
業果有說多思所引問云何一衆同分不分
分別引耶答余時菩薩能一注心於一所依
所緣行相有多思轉於中有思能感足下平
滿善住相乃至有思能感頂上烏瑟膩沙相

如是說者三十二思引三十二大丈夫相一
一復以多業圓滿問菩薩所起三十二思於
諸相中先引何相有說先引足下平滿善住
相後引餘相先安其足後及餘故有說先引
目紺青相先以慈眼觀世間故如是說者此
則不定隨此相緣合則引此相

心七

二

三十二大丈夫相者一足下住相謂佛足下
平滿不凹不凸於踐躡時等案觸地是故惟
佛跡相分明惡心欲去終不能滅諸在家者
若有此相必爲人王賓伏率土諸出家者若
有此相必爲法王化導一切二者千輻輪相
謂佛於雙足下有文如輪千輪具足轂輞圓
滿分分明巧妙妙業天子雖極作意不能擬之
而別化作所以者何妙業天子所化作事是
無覆無記智所引此相是純淨業所引故復
次彼天所作是生得智所引此相是增上加
行智所引故復次彼天所作是一生所習智
所引此相是無量生所習智所引故三者指

纖長相謂佛其指纖長膚而漸銳節不麁現並時無隙安布得中光澤圓滿四者足跟圓長相謂佛足跟圓長端嚴廣直五者手足細軟相謂佛手足細軟如姪羅綿六者手足網縵相謂佛手足指間皆有網縵猶如鵝王指若合時網即不現而無皺緩開時便現而無

攀急七者足趺端厚相謂佛足趺圓厚向指膚寫兩邊端直與跟相稱躡時不廣足下如紅蓮華色網內邊如綵樹文爪甲如赤銅葉色網外邊作真金色細毛紺潤如吹瑠璃故佛雙足猶如寶屐衆寶莊嚴光明微妙八者繫泥耶腨相謂佛腨脰圓直漸下膚細如繫

心七

三

泥耶鹿王腨九者勢峯藏密相謂佛勢峯藏密猶如馬王若爾云何所化得見有說世尊愍所化故方便示之有說世尊化作象馬陰藏殊妙告所化言如彼我亦爾十者身分圓滿相謂佛身分圓滿如諾瞿陀樹如從齊至頂如是從齊至足上下相稱十一者身毛上

靡相十二者孔生一毛相十三者身毛右旋相謂佛身諸毛孔各生一毛如吠瑠璃其色一毛者以菩薩時不亂說法故十四者身真金色相謂佛身真金色映奪世間一切金光今不復現如今時人所用鐵等於今時所用金邊威光不現今時所用金至佛在世時所用金邊威光不現佛在世時所用金若至大海轉輪王路金砂贍部捺陀金邊威光不現此金砂金若至七金山金邊威光不現七金山金至妙高山王金邊威光不現妙高山王山金至三十三天莊嚴具金邊威光不現如是

展轉乃至樂變化天莊嚴具金至他化自在天莊嚴具金邊威光不現此他化自在天莊嚴具金若至佛身金邊威光不現是故佛身金色最勝映奪一切世間金色十五者常光一尋相謂佛身分周匝常有光明面各一尋晝夜恒照十六者皮膚細滑相謂佛皮膚細

消塵水不住如吠瑠璃及蓮華葉設佛以足蹈於塵山吹嵐婆風於中繫坐欲令佛身及佛足下一塵染著無有是處十七者七處充滿相謂佛七處充滿於餘身分此爲少增兩手兩足兩肩及項是爲七處十八者身廣洪直相謂佛身廣洪直不偃不僂亦不傍敲端

雅充實十九者師子上身相謂佛胷臆分齊方廣威肅如師子王上半身分二十者肩膊圓滿相謂佛肩膊圓滿非諸角力姝壯力士之所能及二十一者立手摩膝相謂佛平立舒手摩自膝輪二十二者師子領輪相謂佛領輪廣好如師子王二十三者具四十齒相

生七
四

二十四者齒齊平密相二十五者牙齒鮮白有光明相謂佛具四十齒皆悉齊平中無間隙如毛髮許其色鮮白光明皎映如雪山王問餘人但有三十二齒而說彼身中有一百三骨佛具四十齒何故亦言身中有一百三骨而不增耶答餘人頭骨九分合成世尊頭

骨但有一段是以俱有一百三骨二十六者得最上味相謂佛舌根淨故令所飲食變成上味有說佛舌根上有一切世間悅意美妙勝味種子若諸苦醋等物至舌根時此種雜變皆成上味有說如來舌根有如是勢力若諸飲食來至舌根於中悅意美妙性者便生舌識麁鄙性者不生舌識有說佛咽喉中有二乳泉若飲食時其乳流出雜諸飲食皆成上味然於此中舌根淨故令味殊勝此理應然二十七者廣長舌相謂佛舌相薄軟廣長出時覆面至耳髮際若還入口而於口中無所妨礙二十八者目紺青相謂佛眼目脩廣其色紺淨如蘇闍多青蓮華葉二十九者牛王睫相謂佛眼睫安布善好猶如牛王三十者烏瑟臘沙相謂佛頂髻骨肉合成量如覆捲青圓殊妙三十者眉間白毫相謂佛眉間白毫長半尋量右旋宛轉光明清徹三十二者得梵音聲相謂佛於喉藏中有妙大種

能發悅意和雅梵音如羯羅頻迦鳥及發深遠雷震之聲如帝釋鼓如是音聲具八功德一者深遠二者和雅三者分明四者悅耳五者入心六者發喜七者易了八者無狀問相是何義答標幟義是相義殊勝義是相義祥瑞義是相義

問何故大丈夫相惟三十二不增不減耶脅尊者說曰若增若減俱亦生疑惟三十二亦不違法相有說三十二者世間共許是吉祥數故不增減有說若三十二相莊嚴佛身則於世間最勝無比若當減者便爲闕少若更增者則亦雜亂皆非殊妙故惟爾所如佛說法不可增減佛相亦爾無減可增無增可減故問八十隨好爲在何處答在諸相間隨諸相轉莊嚴佛身令極妙好問相與隨好不相障奪耶答不爾相與隨好更相顯發如林中華顯發諸樹佛身如是相好莊嚴又如金山衆寶離飾如是佛身威光奇特以如來身極

鑿淨故諸祥瑞物皆現其中如至那鏡極磨瑩已隨物遠近影像皆現佛身亦爾是故一切諸魔外道懷惡心者至佛處時無不瞻仰觀之無狀右遶而去問菩薩於身爲有愛慢而莊嚴耶答不爾問云何答菩薩爲欲降伏世間恃色嬌慢不受化者令受化故以諸相

好而莊嚴身復次爲顯佛所有法皆殊勝故謂色力族姓眷屬名譽則富自在智見功德皆悉殊勝若不爾者則所說法無人信受是故菩薩莊嚴其身復次欲與阿耨多羅三藐三菩提作所依器故所以者何殊勝功德決定依止殊勝之身彼未來阿耨多羅三藐三

菩提義語菩薩言汝欲令我在身中者先今汝身清淨殊勝以諸相好而莊嚴之若不爾者我亦不能於汝身生譬如有欲婢王女迎至室宅彼密遣使而語之言汝欲令我至舍宅者先應灑掃除去鄙穢懸繒幡蓋燒香散華種種莊嚴吾乃可往若不爾者我亦不

能至汝舍宅是故菩薩莊嚴其身問菩薩造作增長相異熟業已中間或作轉輪王時爲即所修相異熟業感彼相果爲餘業耶有說即以所修相異熟業以此業功能廣大假設至今恒作輪王而彼業勢亦不盡故如是說者彼以餘業所以者何菩薩修相異熟業皆

爲於最後身受殊勝果未便受用然由彼業爲增上造餘善業感輪王相果譬如太富長者多諸珍寶其中大價寶珠未便出用餘輕價者隨時貿易彼亦如是問菩薩所得三十二相與輪王相有何差別答菩薩所得有四事勝一熾盛二分明三圓滿四得處復次有五事勝一得處二極端嚴三文象深四隨順勝智五隨順離染問菩薩造作增長相異熟業已未至最後身來於諸有情有異相可識知不答有謂生貴族形貌端嚴具丈夫身諸根圓滿得宿命念深信因果喜樂多聞尊重正法智見猛利有勝辯才志性調柔吉音和

雅所作決定緣無退屈見他受苦情不堪忍要當拔濟所修無不迴向菩提樂與有情作饒益事而不求報此等名爲彼菩薩相問如契經說佛一一相百福莊嚴何謂百福答此中百思名爲百福何謂百思謂如菩薩造作增長足善住相業時先起五十思修治

心七

七

身器令淨調柔次起一思正牽引彼後復起五十思令其圓滿譬如農夫先治畦隄次下種子後以糞水而覆溉之彼亦如是如足善住相業有如是百思莊嚴乃至頂上烏瑟臘沙相業亦復如是由此故說佛一一相百福莊嚴問何者是五十思耶答依十業道各有五思謂依離殺業道有五思一離殺思二勸導思三讚美思四隨喜思五迴向思謂迴所修向菩提故乃至正見亦爾是名五十思有說依十業道各起下中上上勝上極五品善思如雜修靜慮有說依十業道各起五思一加行淨二根本淨三後起淨四非尋所害五

念攝受有說緣佛一相起五十剎那未曾習思相續而轉問如是百福一一量云何有說若業能感轉輪王位於四大洲自在而轉是一福量有說若業能感天帝釋位於二天衆自在而轉是一福量有說若業能感他化自在天王位於一切欲界天衆自在而轉是一

福量有說若業能感大梵天王位於初靜慮及欲界天衆自在而轉是一福量有說娑訶世界主大梵天王勸請如來轉法輪福是一福量

問彼請佛時是欲界繫無覆無記心云何名福有說彼住梵世欲來請時先起如是善心

我當爲諸有情作大饒益請佛轉法輪尔時即名得彼梵福此不應理所以者何非未作時已成就故如是說者彼請佛已還至梵宮後世尊轉法輪時地神先唱如是展轉聲徹梵宮梵王聞已歡喜自慶發淳淨心而生隨喜尔時乃名成就此福有說世界成時一切

有情業增上力能感三千大千世界是一福量有說除近佛地菩薩餘一切有情所有能感富樂果業是一福量有說此中一一福量應以喻顯假使一切有情皆悉生盲有一有情以大方便令俱得眼彼有情福是一福量復次假使一切有情皆飲毒藥悶亂將死有

心七

八

一有情令皆除毒心得醒悟彼有情福是一福量復次假使一切有情皆被縛錄臨當斷命有一有情俱今解脫一時得命彼有情福是一福量復次假使一切有情壞戒壞見有一有情能令俱時戒見具足彼有情福是一福量評曰如是所說皆是淳淨意樂方便讚美菩薩福量然皆未得其實如實義者菩薩所起一一福量無量無邊以菩薩三無數劫積集圓滿諸波羅蜜多已所引思願極廣大故惟佛能知非餘所測如是所說廣大量福具足滿百莊嚴一相展轉乃至三十二相皆具百福佛以如是三十二百福莊嚴相及八

十隨好莊嚴其身故於天上人中最尊最勝
問此相異熟業經於幾時修習圓滿荅多分
經百大劫惟除釋迦菩薩以釋迦菩薩極精
進故超九大劫但經九十一劫修習圓滿便
得無上正等菩提其事云何如契經說
過去有佛号曰底砂或曰補砂彼佛有二菩

薩弟子勤修梵行一名釋迦牟尼二名梅怛
儻藥余時彼佛觀二弟子誰先根熟即如實
知慈氏先熟能寂後熟復觀二士所化有情
誰根先熟又如實知釋迦所化應先根熟知
已即念我今云何令彼機感相會遇耶然令
一人速熟則易非令多人作是念已便告釋

空

九

迦吾欲遊山汝可隨去余時彼佛取尼師壇
隨路先往既至山上入吠琉璃龕敷尼師壇
結跏趺坐入火界定經七晝夜受妙喜樂威
光熾然釋迦須臾亦往山上處處尋佛如犢
求母展轉遇至彼龕室前歎然見佛威儀端
肅光明照曜專誠懇發喜歎不堪於行無間

忘下一足瞻仰尊顏目不暫捨經七晝夜以
一伽他讚彼佛曰

天地此界多聞室

逝宮天處十方無

丈夫牛王大沙門

尋地山林遍無等

如是讚已便超九劫於慈氏前得無上覺問
近佛地菩薩必於名句文身得未曾得巧妙

自在應以別頌異門讚佛何故經七晝夜惟
以一頌而讚佛耶答菩薩余時思願勝故不
重文頌若改文頌則思願不淳復次菩薩余
時怖畏散亂如頌差別心亦異故云何而得
一心流注

復次菩薩顯已心無厭倦能於一頌新新發

起勝思願故

問何故慈氏菩薩自根先熟所化後熟釋迦
菩薩則與此相違耶

答慈氏菩薩多自饒益少饒益他釋迦菩薩
多饒益他少自饒益是故皆與所化不並問
如契經說菩薩經三劫阿僧祇修行四波

羅蜜多方得圓滿此是何等劫耶有說是中劫有說是成劫有說是壞劫如是說者此是大劫積此大劫至一阿僧企耶如是至三阿僧企耶修習圓滿問此劫阿僧企耶量云何可知有說以大劫爲一積此一至百千名洛又至百百千名俱胝百千俱胝名那庾多百

千那庾多名頻婆百千頻婆名建他此後非筭數智所及至此所不及位名一劫阿僧企耶量第二第三劫阿僧企耶量亦余有說以大劫爲一積此一至百千名洛又至百百千名俱胝百千俱胝名俱胝俱胝百千俱胝俱胝名阿嘶嘶俱胝百千阿嘶嘶俱胝名阿吒

心七

十

吒俱胝百千阿吒吒俱胝名阿庾多百千阿庾多名阿庾多分百千阿庾多分名那庾多百千那庾多名那庾多分百千那庾多分名俱物陀百千俱物陀名俱物陀分百千俱物陀分名鉢特摩百千鉢特摩名鉢特摩分百千鉢特摩分名迦末羅百千迦末羅名迦末

羅分百千迦末羅分名捺稚那百千捺稚那名捺稚那分百千捺稚那分名覩胝百千覩胝名覩胝分百千覩胝分名阿波波百千阿波波名阿波波分百千阿波波分名吒吒百千吒吒名吒吒分百千吒吒分名鄖伽百千鄖伽名鄖伽分百千鄖伽分名跋羅百千跋

羅名跋羅分百千跋羅分名娑揭羅從此以後非筭數智所及至此所不及位名一劫阿僧企耶量第二第三劫阿僧企耶量亦余有說非筭數智所不及故名阿僧企耶然有契經說六十數於中有一數名阿僧企耶積大劫數至此數時名一劫阿僧企耶如彼經言

有一無餘數始爲一十一爲十十十爲百十百爲千十千爲鉢羅薛陀七鉢羅薛陀爲洛又十洛又爲頸底洛又十頸底洛又爲俱胝十俱胝爲末陀十末陀爲阿庾多十阿庾多爲大阿庾多十大阿庾多爲那庾多十那庾多爲大那庾多十大那庾多爲鉢羅那庾多

七

十一

十鉢羅那庾多爲大鉢羅那庾多十大鉢羅
那庾多爲矜羯羅十矜羯羅爲大矜羯羅十
大矜羯羅爲頻跋羅十頻跋羅爲大頻跋羅
十大頻跋羅爲阿芻婆十阿芻婆爲大阿芻
婆十阿芻婆爲毗婆訶十毗婆訶爲大毗
婆訶十毗婆訶爲溫蹭伽十溫蹭伽爲大
溫蹭伽十溫蹭伽爲婆喝那十婆喝那爲
大婆喝那十婆喝那爲地致婆十地致婆
爲大地致婆十大地致婆爲醯都十醯都爲
大醯都十大醯都爲羯臘婆十羯臘婆爲大
羯臘婆十羯臘婆爲印達羅十印達羅爲
大印達羅十印達羅爲三磨鉢耽十三磨
鉢耽爲大三磨鉢耽十大三磨鉢耽爲揭底
十揭底爲大揭底十揭底爲枯筏羅闍十
枯筏羅闍爲大枯筏羅闍十大枯筏羅闍爲
姥達羅十姥達羅爲大姥達羅十大姥達羅
爲跋藍十跋藍爲大跋藍十大跋藍爲珊瑚
十珊瑚若爲大珊瑚若爲毗步多十毗

步多爲大毗步多十大毗步多爲跋邏攏十
跋邏攏爲大跋邏攏十大跋邏攏爲阿僧企
耶此後更有八數及前爲六十數積一大劫
至此第五十二阿僧企耶數時名一劫阿僧
企耶第二第三劫阿僧企耶亦復如是有說
尊者舍利子依第四靜慮起宿住隨念智通
緣過去世齊所及劫爲一劫阿僧企耶量第
二第三劫阿僧企耶量亦尔彼不應作是說
以劫阿僧企耶量非舍利子等宿住智境故
此中或說三劫阿僧企耶量皆是舍利子宿
住智境故不應言齊彼智所及劫爲一劫阿
僧企耶量有說依一施行分別三劫阿僧企

耶量謂若時菩薩雖行惠施而未能捨一切
物施一切田齊此名爲初劫阿僧企耶若時
菩薩能行惠施亦能捨一切物而未能施一
切田或能施一切田而未能捨一切物齊此
名爲第二劫阿僧企耶若時菩薩能行惠施
亦能捨一切物及能施一切田齊此名爲第

三劫阿僧企耶有說依所逢事佛分別三劫
阿僧企耶量謂過去久遠人壽百歲時有佛
名釋迦牟尼出現於世生刹帝利釋迦種中
母名摩訶摩耶父名淨飯子名羅怙羅城名
劫比羅筏窣覩多諸釋種侍者弟子名阿難
陀第一雙弟子名舍利子大目捷連

余時世間五濁增盛爲生老死之所逼迫愚
癡盲暝無將導者彼佛世尊以悲願力於中
出現精進增上化導有情未曾暫息由如此
故爲風所薄肩背有疾時有陶師名曰廣熾
佛知時至即告侍者阿難陀言吾今身疾不
安汝可往廣熾陶師家求胡麻油及煖水爲
吾塗洗侍者敬諾往陶師家住廣熾前愛語

問訊已方便讚佛種種功德勝戒定慧三十
二相八十隨好圓光赫奕智見無礙辯才無
滯復告廣熾如是世尊若不出家當爲輪王
王四洲界我及汝等一切世間皆爲僕使然
今弃捨如是王位出家苦行得阿耨多羅三

藐三菩提具一切智見斷一切疑網施一切
決定能盡一切問論源底視諸有情猶如一
子今者在此不遠而住然爲拔濟汝等苦故
恒涉道路爲風所薄肩背勞積須油煖水故
相造詣頗能施耶余時廣熾聞已踊躍歎未
曾有如何人間有是功德即報尊者仁今且

心七

土三

還我當如命自往佛所其去未久廣熾即辦
生胡麻油及煖香水持往佛所佛遙見之爲
令彼人種善根故脫去餘衣惟留襯身踞几
而待廣熾到已發淳淨心以所持油恭敬善
巧塗佛肩背種種摩搃復以煖水香湯灌洗
佛時風疾釋然除愈以慈軟音慰喻廣熾彼

聞歡喜

即發願言願我未來當得作佛名号眷屬時
處弟子如今世尊等無有異當知彼陶師者
即釋迦菩薩由本願故今名号等如昔不異
然從彼佛發是願後乃至逢事寶髻如來是
名初劫阿僧企耶滿從此以後乃至逢事然

燈如來是名第二劫阿僧企耶滿復從此後乃至逢事勝觀如來是名第三劫阿僧企耶滿此後復經九十一劫修妙相業至逢事迦葉波佛時方得圓滿有說有三種阿僧企耶一劫阿僧企耶二生阿僧企耶三妙行阿僧企耶劫阿僧企耶者謂以大劫爲一積至洛叉俱胝展轉乃至過婆揭羅數生阿僧企耶者謂一一劫經無數生妙行阿僧企耶者謂一一劫修無數妙行由此三種阿僧企耶證無上覺此不應理如實義者此中但說經三劫阿僧企耶修行圓滿

說一切有部發智大毗婆沙論卷第一百七十七 心七
瑟臘上所猶反下尼二反紺青上古反凹烏交反凸徒結反踐
躡下音賤尼軒反輻輪上音福轂上音谷轂上音谷纖長上
廉脯反言反銳羊歲立逆反隙立逆反足跟根下音罔綱縵莫下音莫
反緩上側瘦反攀急上力貞反足蹠夫下音屐奇下音
反繫泥上一芳反腨時軟脰反脰胡定反上靡彼反蹠盜音逸

全蒲問偃於阮僂呂主敲丘奇曾臆上音齒
肩膊博下音姝昌朱反頷胡感反鹿鄙下碑美反薄蒲各
瞼子葉博反覆捲上芳伏反鑿定紓定市繒反憇疾陵反
畦隴力勇反溉音勢下音既測昌側反恒儼達丁反
下零帝反龕苦舍反犧讀歎然勿反那庚下羊主反嘶嘶嘶嘶反
捺稚上如達反利瓦薛蒲開反頰於割反矜居陵反
下蘇千反攬楚衡下音亦反赫奔上許客反若莫補反
王王聲下音覩身上正作覩摩下音據下音亦反

阿毗達磨大毗婆沙論卷第一百七十八 心八
五百大阿羅漢等造三藏法師玄奘奉詔譯
定蘊第七中不還納息第四之五
問如說菩薩經三劫阿僧企耶修四波羅蜜多而得圓滿謂施波羅蜜多戒波羅蜜多精進波羅蜜多般若波羅蜜多當言於何時分